

選擇本願念佛集  
末

0931	費	年
1	重	月
2	書	日
佛教大學藏書		
第	149709	号




149709



知恩寺世二代  
釋安興

念佛行者可行用四修法之文

善導往生禮讚云又勸行四修法何者為四  
一者恭敬修所謂恭敬禮拜彼佛及彼一切  
聖眾等故名恭敬修畢命為期誓不中止即  
是二時修二者無餘修所謂專稱彼佛名專  
念專想專禮讚彼佛及一切聖眾等不雜餘



業故名無餘修畢命為期誓不中止即是長  
時修三者無間修所謂相續恭敬禮拜稱名  
讚歎憶念觀察迴向發願心心相續不以餘  
業來間故名無間修又不以貪嗔煩惱來間  
隨犯隨懺不隔念隔時隔日常使清淨亦名  
無間修畢命為期誓不中止即是長時修

西方要訣云但修四修以為正業一者長時  
修從初發心乃至菩提恒作淨因終無退轉  
二者恭敬修此復有五一敬有緣聖人謂行  
住坐卧不背西方涕唾便溺不向西方也二  
者敬有緣像教謂造西方弥陀像變不取廣  
作但作一佛二菩薩亦得教者弥陀經等五

色袋盛自讀教他此之經像安置室中六時  
禮懺香華供養特生尊重三者敬有緣知  
謂宣淨土教者若干由旬十內句已來  
須敬重親近供養別學之者愆起心與已  
不同但知深敬也若生輕慢得罪無窮故須  
物以即除行障四者敬同緣伴謂同也

重獨業不成要知別方能作行書

尼救厄助力相資同伴善緣深相保重五者  
敬三寶同躰別相並合深敬不自具錄為淺  
行者不果依修住持三寶者與今淺識作大  
因緣今粗料簡言佛寶者謂雕檀繡綺素質  
金容鏤玉面繒磨石削土此之靈像特可尊

承レ觀レ形罪消增福若生少慢長惡善レ  
但想尊容當見真佛言法寶者三乘教旨法  
界所流名句所詮能生解緣故須珍仰以發  
慧基鈔寫尊經恒安淨室箱ニ盛貯並合嚴  
敬讀誦之時身手清潔言僧寶者聖僧菩薩  
破戒之流等心起敬勿生慢想三者無間修

謂常念佛作往生心於一切時心恒想巧譬  
若有人被他抄掠身為下賤備受艱辛忽思  
父母欲走歸國行裝未辨由在他鄉日夜思  
惟苦不堪忍無時暫捨不念耶孃為計既成  
便歸得達親近父母縱任歡娛行者亦レ往  
因煩惱壞亂善心福智珍財並皆散失又流

生死割不自由恒與魔王而作僕使駈馳六道苦切身心今遇善緣忽聞弥陀慈父不違弘願濟拔群生日夜驚忙發心願往所以精懇不倦當念佛恩報盡為期心恒計念四者無餘修謂專求極樂禮念弥陀但諸餘業行不令雜起所作之業日別須修念佛誦經不

留餘課耳

私去四修之文可見恐繁而不解但前文中既去四修唯有三修若脫其文若有其意也更非脫文有其深意也何以得知四修者一長時修二懇重修三無餘修四無間修也所以初長時只是通川後三修也

謂慳重若退慳重之行即不可成無餘若  
退無餘之行即不可成無間若退無間之  
行即不可成為使成就此三修行皆以長  
時屬於三修所令通修也故三修之下皆  
結云畢命為期誓不中止即是長時修是  
也例如彼精進通於餘五度而已

此章 彌陀化佛來迎不讚歎聞經之善唯讚歎

念佛之行之文

觀無量壽經云或有衆生作衆惡業雖不誹  
謗方等經典如此愚人多造衆惡無有慚愧  
命欲終時遇善知識為讚大無十二部經首  
題名字以聞如是諸經名故除却一切無重

惡業智者復教合掌叉手稱南無阿耨陀佛  
稱佛名故除五十億劫生死之罪今時彼佛  
即遣化佛化觀世音化大勢至至行者前讚  
言善男子汝稱佛名故諸罪消滅我來迎汝  
同經疏云所聞化讚但述稱佛之功我來迎  
汝不論聞經之事然望佛願意者唯勸正念

稱名往生義疾不同雜散之業如此經及諸  
部中處處廣歎勸令稱名將為要益也應知  
私云聞經之善是非本願雜業故化佛不  
讚念佛之行是本願正業故化佛讚歎加  
之聞經與念佛滅罪多少不同也觀經疏  
云問曰何故聞經十二部但除罪千劫稱

佛一聲即除罪五百萬劫者何意也答曰  
造罪之人障重加以死苦來逼善人雖說  
多經資受之心浮散由心散故除罪稍輕  
又佛名是一即能攝散以住心復教令正  
念稱名由心重故即能除罪多劫也

十一  
讚歎

約對雜善讚歎念佛之文

觀無量壽經云若念佛者當知此人即是人  
中分陀利華觀世音菩薩大勢至菩薩為其  
勝友當坐道場生諸佛家

同經疏云從若念佛者下至生諸佛家已來  
正顯念佛三昧功能超絕實非雜善得為比  
類即有其五一明專念弥陀佛名二明讚美

念之人三。明若能相續念佛者。此人甚為希  
有更無物可以方之。故引分陀利為喻。言分  
陀利者。名人中好華。亦名希有華。亦名人中  
上上華。亦名人中妙好華。此華相傳名蔡華。  
是念佛者。即是人中好人。人中妙好人。人中  
上上人。人中希有人。人中最勝人也。四明專

念弥陀名者。即觀音勢至。常隨影護。亦如親  
友知識也。五明今生既蒙此益。捨命即入諸  
佛之家。即淨土是也。到彼長時間。法歷事供  
養。因圓果滿。道場之座。豈賒

私問曰。經云。若念佛者。當知此人。等雅約。  
念佛者。而讚歎之。擇家有何意。去實非難。

善得為比類相對雜善獨歎念佛平答曰  
文中雖隱義意是明所以知者此經既說  
定散諸善并念佛行而於其中孤標念佛  
喻芬陀利非待雜善去何能顯念佛功超  
餘善諸行然則念佛者即是人中好人者  
是待惡而所美也言人中妙好人者是待  
麁惡而所稱也言人中上上人者是待下  
下而所讚也言人中希有人者是待常有  
而所歎也言人中最勝人者是待最劣而  
所廢也問曰既以念佛名上上者何故不  
說上上品中至下下品而說念佛乎答曰  
豈前不云念佛之行廣且九品即前所引

往生要集云隨其勝劣應分九品是也加  
之下品下生是五逆重罪之人也而能除  
滅逆罪所不堪除行唯有念佛之力能堪  
滅於重罪故為極惡最下之人而說極善  
最上之法例如彼無明淵源之病非中道  
府藏之藥即不能治今此五逆重病淵源

亦此念佛靈藥府藏非此藥者何治此病  
故弘法大師二教論引六波羅蜜經云第  
三法寶者所謂過去無量諸佛所說正法  
及我今所說所謂八萬四千諸妙法藥乃  
至調伏純熟有緣衆生而令阿難陀等諸  
大弟子一聞於耳皆悉憶持攝為五分一

素咀纜二毗奈耶三阿毗達磨四般若波  
羅蜜多五陀羅尼門此五種藏教化有情  
隨所應度而為說之若彼有情樂處山林  
常居閑寂修靜慮者而為彼說素咀纜藏  
若彼有情樂習威儀護持正法一味和合  
令得久住而為彼說毗奈耶藏若彼有情  
樂說正法分別性相循探研竅究竟甚深  
而為彼說阿毗達磨藏若彼有情樂習大  
乘真實智慧離於我法執著分別而為彼  
說般若波羅蜜多藏若彼有情不能受持  
契經調伏對法般若或復有情造諸惡業  
四重八重五无间罪謗方等經一闡揚等

種種重罪，使得銷滅，速解脫頓悟，涅槃而為彼說。諸陀羅尼，藏此五藏，譬如乳酪生酥，熟酥及妙醍醐。契經如乳，調伏如酪。對法教者，如彼生酥。大乘般若，猶如熟酥。持門者，譬如醍醐。醍醐之味，乳酪酥中，微妙第一。能除諸病，令諸有情，身心安樂。

持門者，契經等中最為第一。能除重罪，令諸眾生，解脫生死，速證涅槃，安樂法身。此中五無間罪者，是五逆罪也。即非醍醐之妙藥者，五無間病，甚為難療。念佛亦然。往生教中，念佛三昧，是如慈持。亦如醍醐。若非念佛三昧，醍醐之藥者，五逆深重。病

甚為難治。應知問曰：若介者下品上生，是  
十惡輕罪之人，何故說念佛乎？答曰：念佛  
三昧重罪尚滅，何況輕罪哉！餘行不然，或  
有減輕而不滅重，或有消一而不消二，念  
佛不然，輕重兼滅，一切遍治。譬如阿伽陀  
藥，徧治一切病，故以念佛為王。三昧凡九  
品，配當是一往義。五逆迴心，通於上上。讀  
誦妙行，亦通下下。十惡輕罪，破戒次罪，各  
通上下。解第一義，發菩提心，亦通上一  
法。各有九品。若約品，即九九八十一品也。  
加之迦戈云：衆生起行，既有千殊，往生見  
土，亦有萬別。見一往文，莫起封執。其中念

佛是即勝行故引芬陀利以為其喻譬意  
應知加之念佛行者觀音勢至如影與形  
暫不捨離餘行不亦又念佛者捨命已後  
決定往生極樂世界餘行不定凡流五種  
嘉譽蒙二尊影護此是現益也亦往生淨  
土乃至成佛此是當益也又道綽禪師於

念佛一行立始終兩益安樂集云念佛衆  
生攝取不捨壽盡必生此名始益言終益  
者依觀音授記經阿朮陀佛住世長久兆  
載末劫亦有滅度般涅槃時唯有觀音勢  
至住持安樂接引十方其佛滅度亦與住  
世時節等同然彼國衆生一切無有觀見

佛者唯有一向專念阿彌陀佛往生者常  
見彌陀現在不滅此即是其終益也已當  
知念佛有如此等現當二世始終兩益應  
知  
釋尊不付屬定散諸行唯以念佛付屬阿  
難之文

加十二  
念佛付  
屬章

觀無量壽經云佛告阿難汝好持是語持是  
語者即是持無量壽佛名  
同經疏云從佛告阿難汝好持是語以下正  
明付屬彌陀名号流通於遐代上來雖說定  
散兩門之益望佛本願意在衆生一向專稱  
彌陀佛名

私云案疏文有二行一定散二念佛初言  
定散者又分為二一定善二散善初付定  
善有其十三一者日想觀二者水想觀三  
者地想觀四者寶樹觀五者寶池觀六者  
寶樓閣觀七者華座觀八者像想觀九者  
阿彌陀佛觀十者觀音觀十一者勢至觀

十二者普往生觀十三者雜想觀具如經  
說縱雖無餘行或一或多隨其所堪修十  
三觀可得往生其旨見經敢莫疑慮次付  
散善有二一者三福二者九品初三福者  
經曰一者孝養父母奉事師長慈心不殺  
修十善業二者受持三歸具足衆或不犯

威儀三省發菩提心深信因果讀誦大乘  
勸進行者經已上文孝養父母者付之有二一  
世間孝養二出世孝養也世間孝養者如  
孝經等說出世孝養者如律中生緣奉事  
法奉事師長者付之又有二一世間師長  
二出世師長也世間師者教仁義禮智信  
等師也出世師者教聖道淨土二門等師  
也縱雖無餘行以孝養奉事為往生業也  
慈心不殺修十善業者就此有二義一者  
初慈心不殺者是四無量心中初慈無量  
也即舉初一攝後三也縱雖無餘行以四  
無量心為往生業也次修十善業者一不

殺生二不偷盜三不邪淫四不妄語五不  
綺語六不惡口七不兩舌八不貪九不瞋  
十不邪見也二者合慈心不殺修十善業  
二句而為一句謂初慈心不殺者是非四  
無量之中慈無量是指十善之初不殺故  
知正是十善之一句也縱雖無餘行以十

善業為往生業也受持三歸者歸依佛法  
僧也就此有二一者大乘三歸二者小乘  
三歸也具足眾戒者此亦有二一者大乘  
戒二者小乘戒也不犯威儀者此亦有二  
一者大乘謂有八萬二者小乘謂有三千  
發菩提心者諸師意不同也天台即有四

教善提心謂截通別圓是也具如止觀說  
真言即有三種善提心謂行願勝義三摩  
地是也具如善提心論說華嚴亦有善提  
心如彼善提心義及遊心安樂道等說三  
論法相各有善提心具如彼宗章疏等說  
又有善導所釋善提心具如疏述發善提  
心其言雖一各隨其宗其義不同然則善  
提心之一句廣且諸經遍該顯密意氣博  
遠詮測冲趨願諸行者莫執一遮萬諸求  
往生之人各須發自宗之善提心縱雖無  
餘行以善提心為往生業也深信因果者  
付之有二一者世間因果二者出世因果

世間因果者即六道因果也如正法念經  
說出世因果者即四聖因果也如諸大小  
乘經說若以此因果二法遍攝諸經者諸  
家不同且依天台謂華嚴者說佛菩薩二  
種因果阿含者說聲聞緣覺二乘因果方  
等諸經者說四乘因果也般若諸經者說

通別圓因果法華者說佛因佛果涅槃者  
又說四乘因果也然則深信因果之言遍  
普該羅於一代矣諸求往生之人縱雖無  
餘行以深信因果可為往生業讀誦大乘  
者分而為二一者讀誦二者大乘讀誦者  
即是五種法師之中舉轉讀誦二師顯

受持等三師若約十種法行者即是舉披  
讀諷誦二種法行顯餘書寫供養等八種  
法行也大乘者簡小乘之言也別非指一  
經通指一切諸大乘經謂一切者佛意廣  
指一代所說諸大乘經而於一代所說有  
已結集經有未結集經又於已結集經或  
有隱龍宮不流布人間之經或有留天上  
未來到漢地之經而今就翻譯將來之經  
而論之者貞元入藏錄中始自大般若經  
六百卷終于法常住經顯密大乘經惣六  
百三十七部二千八百八十三卷也皆須攝  
讀誦大乘之一句願西方行者各隨其意

樂或讀誦法華以為往生業或讀誦華嚴  
以為往生業或受持讀誦毘那教王及以  
諸算法等以為往生業或能說書寫般若  
方等及以涅槃經等以為往生業是則淨  
王宗觀無量壽經意也問曰顯密旨異何  
顯中攝密乎答曰此非云攝顯密之旨真

元入藏錄中同編之而入大乘經限故攝  
讀誦大乘一句也問曰今前經中何攝法  
華乎答曰今所言攝者非論權實偏圓等  
義讀誦大乘之言普通前後大乘諸經前  
者觀經已前諸大乘經是也後者玉宮已  
後諸大乘經是也唯云大乘無選權實然

則正當華嚴方等般若法華涅槃等諸大  
乘經也勸進行者者謂勸進定散諸善及  
念佛三昧等也次九品者開前三福為九  
品業謂上品上生中言慈心不殺者即當  
上世福中第三之句次具諸戒行者即當  
上戒福中第二之句具足眾戒次讀誦大  
乘者即當上行福中第三句讀誦大乘次  
修行六念者即上第三福中第三句之意  
也上品中生中言善解義趣等者即是上  
第三福中第二第三意也上品下生中言  
深信因果發道心等者即是上第三福第  
一第二意也中品上生中言受持五戒等

者即上第二福中第二句意也中品中生  
中言或一日一夜受持八戒庸等者又同  
上第二福之意也中品下生中言孝養父  
母行世仁慈等者即上初福第一第二句  
意也下品上生者是十惡罪人也臨終一  
念罪滅得生下品中生者是破戒罪人也

臨終聞佛依正功德罪滅得生下品下生  
者是五逆罪人也臨終十念罪滅得生此  
之三品尋常之時唯造惡業雖不求往生  
臨終之時始遇善知識即得往生若准上  
三福者第三福大乘意也定善散善大槩  
如此文即云上來雖說定散兩門之益是

也。次念佛者專稱弥陀佛名是也。念佛義如常而令言正明付屬弥陀名号流通於遐代者。凡此經中既廣雖說定散諸行即以定散不令付屬阿難流通後世。唯以念佛三昧一行即使付屬阿難流通遐代也。問曰何故以定散諸行而不付屬流通乎。若夫依業淺深。嫌不付屬三福業中有淺有深。其淺業者孝養父母奉事師長也。其深業者具足衆戒發菩提心深信因果讀誦大乘也。須捨淺業付屬深業。若依觀淺深。嫌不付屬十三觀中有淺有深。其淺觀者曰想水想是也。其深觀者始自地觀終

子雜想。舊想十一觀是也。須捨淺觀付屬  
深觀。就中第九觀是阿彌陀佛觀也。即是  
舊佛三昧也。須捨十二觀付屬觀佛三昧  
也。就中同疏玄義分中云。此經觀佛三昧  
為宗。亦念佛三昧為宗。既以二行為一經  
宗。何廢觀佛三昧而付屬念佛三昧之哉。

答曰。云望佛本願意在衆生一向專稱。除  
隨佛名定散諸行。非本願。故不付屬之。亦  
於其中觀佛三昧。雖殊勝行。非佛本願。故  
不付屬。念佛三昧是佛本願。故以付屬之。  
言望佛本願者。指雙卷經四十八願中第  
十八願也。言一向專稱者。指同經三輩之

中一向專念也。本願之義具如前辯。問曰：若余者何故直不說本願念佛行。煩說非本願定散諸善乎。答曰：本願念佛行。雙卷經中委既說之。故重不說耳。又說定散為顯念佛。超過餘善。若無定散。何顯念佛。特秀例如法華秀三說上。若無三說。何顯法華第一。故今定散為廢。而說念佛三昧。為立而說。但定散諸善。皆用難測。凡定善者。夫依正之觀。懸鏡而照。臨往生之願。指掌而速疾。或一觀之力。能祛多劫之罪。僊或具憶之功。終得三昧之勝利。然則求往生之人。宜修行定觀。就中第九真身觀。是觀

佛三昧之法也行若成就者即見彌陀身  
見彌陀故得見諸佛見諸佛故現前授記  
此觀利益最甚深也然今至觀經流通分  
摩迦如來告命阿難因使付屬流通往生  
要法嫌觀佛法尚不付屬阿難選念佛法  
即以付屬阿難觀佛三昧之法尚以不付

屬何<sub>レ</sub>於日想水想等觀乎然則十三定  
觀皆以所不付屬之行也然世人若樂觀  
佛等不修念佛是遠非<sub>レ</sub>非<sub>レ</sub>彌陀本願亦是  
近違<sub>レ</sub>釋尊付屬行者宜<sub>レ</sub>商<sub>レ</sub>量<sub>レ</sub>次<sub>レ</sub>散<sub>レ</sub>善<sub>レ</sub>中<sub>レ</sub>有  
大小持戒行世皆以為持戒行者是入真  
要也破戒之者不可往生又有菩提心行

入皆以為菩提心是淨土綱要若無菩提  
心者即不可往生又有解第一義行此是  
理觀也人亦以為理是佛源離理不可求  
佛土若無理觀者不可往生又有讀誦大  
乘行人皆以為讀誦大乘經即可往生若  
無讀誦行者不可往生就此有二一者持  
經二者持咒持經者持般若法華等諸大  
乘經也持咒者持隨求尊勝光明阿耨陀  
等諸神咒也凡散善十一人皆雖貴而於  
其中此四箇行當世之人殊所欲之行也  
以此等行殆抑念佛倩尋經意者不以此  
諸行付屬流通唯以念佛一行即使付屬

流通後世應知釋尊所以不付屬諸行者  
即是非弥陀本願之故也亦所以付屬念  
佛者即是弥陀本願之故也今又云道和  
尚所以廢諸行歸念佛者即為弥陀本願  
之上亦是釋尊付屬之行也故知諸行非  
機失時念佛往生當機得時感應豈庸損

哉當知隨他之前暫雖開定散門隨自之  
後還閉定散門一開以後永不閉者唯是  
念佛一門弥陀本願釋尊付屬意在此矣  
行者應知亦此中還代者依雙卷經音述  
指末法萬季之後百歲之時也是則無還  
攝述也然者法滅之後猶以然也何況末

法哉未法已然何况正法像法哉故知念佛往生道通正像未之三時及法滅百歲之時焉

卅十三  
念佛  
善根

以念佛為多善根以雜善為小善根之文阿旃陀經云不可以少善根福德因緣得生彼國舍利弗若有善男子善女人間說阿旃

陀佛執持名号若一日若二日若三日若四日若五日若六日若七日一心不乱其人臨命終時阿旃陀佛與諸聖眾現在其前是人終時心不顛倒即得往生阿旃陀佛極樂國土

善導釋此文云極樂無為涅槃界隨緣雜善

恐難生故使如來選要法教念弥陀專復專  
七日七夜心無間長時起行倍皆然臨終聖  
衆持華現身心踊躍坐金蓮坐時即得無生  
忍一念迎將至佛前法侶將永竟來著證得  
不退入三賢

私云不可以少善根福德因緣得生彼國

者諸餘雜行者難生彼國故云隨緣雜善  
恐難生少善根者對多善根之言也然則  
雜善是少善根也念佛是多善根也故龍  
舒淨土文云襄陽石刻阿弥陀經乃隋陳  
仁稜所書字畫清婉人多慕玩自一心不  
亂而云專持名号以稱名故諸罪消滅

即是多善根福德因緣今世傳本脫此二  
十一字上已非啻有多少義亦有大小義謂  
雜善是小善根也念佛是大善根也亦有  
勝劣義謂雜善是劣善根也念佛是勝善  
根也其義應知

佛十四  
章六方恒沙諸佛不證誠餘行唯證誠念佛

### 之文

善導觀念法門云又如彌陀經云六方各有  
恒河沙等諸佛皆舒舌遍覆三千世界說誠  
實言若佛在世若佛滅後一切造罪凡夫但  
迴心念阿彌陀佛願生淨土上盡百千下至  
七日一日十聲三聲一聲等命欲終時佛與

聖衆自來迎接即得往生如上六方等佛舒  
舌定為凡夫作證罪滅得生若不依此證得  
生者六方諸佛舒舌一出口已後終不還入  
口自然壞爛

同往生禮讚引阿旃陀經云東方如恒河沙  
等諸佛南西北方及上下一一方如恒河沙

諸佛於本國出其舌相遍覆三千大千  
世界說誠實言汝等衆生皆應信是一切諸  
佛所護念經云何名護念若有衆生稱念阿  
彌陀佛若一日及七日至十聲乃至一聲  
一念等必得往生證誠此事故名護念經  
又云六方如來舒舌證其稱名乃至西方到

彼華開聞妙法十地願行自然彰

同觀經疏引阿彌陀經云又十方佛等恐畏  
衆生不信釋迦一佛所說即共同心同時各  
出舌相遍覆三千世界說誠實言汝等衆生  
皆應信是釋迦所說所讚所證一切凡夫不  
問罪福多少時節久近但能上盡百季下至  
一日七日一心專念彌陀名号定得往生必  
無疑也

同法事讚云心心念佛莫生疑六方如來證  
不虛三業專心不雜亂百寶蓮華應時見  
法照禪師淨土五會法事讚云萬行之中為  
急要迅速無過淨土門不但本師金口說十

方諸佛共傳證

私問曰何故六方諸佛證誠唯屬念佛一行乎答曰若依善導意念佛是弥陀本願也故證誠之餘行不余故無之也問曰若依本願證誠念佛者雙卷觀經等說念佛之時何不證誠乎答曰解有二義一解云

雙卷觀經等中雖說本願念佛兼明餘行故不證誠此經一向純說念佛故證誠之二解云彼雙卷等中雖無證誠之言此經已有證誠例此思彼於彼等經中所說念佛亦應有證誠之義文雖在此經義通於彼經故天台十疑論云又阿彌陀經大無

量壽經鼓音聲陀羅尼經等云釋迦佛說  
此經時有十方世界各恒河沙諸佛舒其  
舌相遍覆三千世界證誠一切衆生念阿  
彌陀佛乘佛本願大悲願力故決定得生  
極樂世界

六方諸佛護念念佛行者之文

觀念法門去又如彌陀經說若有男子女人  
七日七夜及盡一生一心專念阿彌陀佛願  
往生者此人常得六方恒河沙等佛共來護  
念故名護念經護念意者亦不令諸惡鬼神  
得便亦無橫病橫死橫有厄難一切灾劫自  
然消散不至心

禮讚云若稱佛往生者常為六方恒沙  
等諸佛之所護念故名護念經今既有斯增  
上誓願可憑諸佛子等何不勵意者也

私問曰准有六方如來護念行者如何答  
曰不限六方如來弥陀觀音等亦來護念  
教往生禮讚云十往生經云若有衆生念

阿弥陀佛願往生者彼佛即遣二十五菩  
薩擁護行者若行若坐若住若卧若晝若  
夜一切時一切處不令惡鬼神得其便也  
又如觀經云若稱札念阿弥陀佛願往生  
彼國者彼佛即遣無數化佛無數化觀音  
勢至菩薩護念行者復與前二十五菩薩

等百重千重圍遶行者，不問行住坐卧，一切時處，若晝若夜，常不離行者。今既有斯勝益，可畢願諸行者，各須至心求往。又觀念法門云：又如觀經下文，若有人至心常念阿彌陀佛及二菩薩觀音勢至，常與行人作勝友知識，隨逐影護。又云：又如般舟三昧經行品中，說云：佛言：若人專行此念，於陀佛三昧者，常得一切諸天及四天大王龍神八部，隨逐影護，愛樂相見，永無諸惡鬼神災障厄難，橫加惱亂。具如護持品中說。又云：除八三昧道場，日別念阿彌陀佛一萬遍，命相續者，即蒙於陀加念，得除罪。

障又蒙佛與聖衆常來護念既蒙護念即  
得延壽轉壽

釋迦如來以旃陀名号慇懃付屬舍利弗  
等之文

阿旃陀經古佛說此經已舍利弗及諸比丘  
一切世間天人阿脩羅等聞佛所說歡喜信

受作禮而去

善導法事讚釋此文云世尊說法時將了慇  
懃付屬旃陀名五濁增時多疑謗道俗相壞  
不用聞見有修行起瞋毒方便破壞競生怨  
如此生盲闡提輩毀滅頓教永沈淪越過大  
地微塵劫未可得離三途身大衆同心皆懺

悔所有破法罪因緣

私去凡案三經意諸行之中選擇念佛以  
為旨歸先雙卷經中有三選擇一選擇本  
願二選擇讚歎三選擇留教一選擇本願  
者念佛是法藏比丘於二百一十億之中  
所選擇性生之行也細旨見上故云選擇  
本願也二選擇讚歎者上三輩中雖舉善  
提心等餘行釋迦即不讚歎餘行唯於念  
佛而讚歎云無上功德故云選擇讚歎也  
三選擇留教者又上雖舉餘行諸善釋迦  
選擇唯留念佛一法故云選擇留教也次  
觀經中又有三選擇一選擇攝取二選擇

化讚三選擇付屬一選擇攝取者觀經之  
中雖明定散諸行弥陀光明唯照念佛衆  
生攝取不捨故云選擇攝取也二選擇化  
讚者下品上生人雖有聞經稱佛二行  
陀化佛選擇念佛云汝稱佛名故諸罪消  
滅我來迎汝故云選擇化讚也三選擇付

屬者又雖明定散諸行唯獨付屬念佛一  
行故云選擇付屬也次阿旃陀經中有一  
選擇所謂選擇證誠也已於諸經中多雖  
說往生之諸行六方諸佛於彼諸行而不  
證誠至此經中說念佛往生六方恒沙諸  
佛各節舌覆大千說誠實語而證誠之故

生記

大立

大文

下云

標月

會佛

引文

祝至

注生祀

市和段

云選擇證誠也加之般舟三昧經中又有  
一選擇所謂選擇我名也弥陀自說言欲  
來生我國者常念我名莫令休息故去選  
擇我名也本願攝取我名化讚此之四者  
是弥陀選擇也讚歎留教付屬此之三者  
是釋迦選擇也證誠者六方恒沙諸佛之  
選擇也然則釋迦弥陀及十方各恒沙等  
諸佛同心選擇念佛一行餘行不介故知  
三經共選念佛以為宗致耳計也夫速欲  
離生死二種勝法中且闍聖道門選入淨  
土門欲入淨土門正雜二行中且拖諸雜  
行選應歸正行欲修於正行正助二業中

猶傍於助業。還應專正定。正定之業者。卽  
是稱佛名稱。名必得生。依佛本願。故問曰。  
華嚴天台真言禪門三論法相諸師各造  
淨土法門。章疏何不依彼等師。唯用善導  
一師乎。答曰。彼等諸師各皆雖造淨土章  
疏。而不以淨土為宗。唯以聖道而為其宗。

故不依彼等諸師也。善導和尚偏以淨土  
而為宗。而不以聖道為宗。故偏依善導一  
師也。問曰。淨土祖師其數又多。謂弘法等  
如才慈愍三藏等是也。何不依彼等諸師  
唯用善導一師哉。答曰。此等諸師雖宗淨  
土。未發三昧善導和尚是三昧發得之人。

也於道既有其證故且用之問曰若依三昧發得者懷感禪師亦是三昧發得之人也何不用之答曰善導是師也懷感是弟子也故依師不依弟子也況師資之擇其相違甚矣故不用之問曰若依師不依弟子者道綽禪師者是善導和尚之師也抑又淨土祖師也何不用之答曰道綽禪師者是雖師未發三昧故自不知往生得否問善導曰道綽念佛得往生否導今辯一莖蓮華置之佛前行道七日華不萎悴即得往生依之七日華果然華不萎黃導歎其深詣請入定觀當得生否導即入定

須臾報曰師當懺三罪方可往生一者  
嘗安佛尊像在蔭躡下自屢深房二者駢  
使築役出家人三者營造屋宇損傷虫命  
師宜於十方佛前懺第一罪於四方僧前  
懺第二罪於一切衆生前懺第三罪緇公  
靜思往後皆曰不慮於是洗心悔謝訖而

見導師曰師罪滅矣後當有白光照燭是

師往生之相也

已上新修  
往生傳

爰知善導和尚

者行發三昧力堪師位解行非凡將是就  
矣現又時人諛曰佛法東行已來未有禪  
師盛德矣絕倫之譽不可得而稱者其加  
之條錄觀經文疏之刻頗感靈瑞屢願聖

化既蒙聖冥加然造經科文舉世而稱證  
定疏人貴之如佛經法即彼疏第四卷奧  
古教白一切有緣知識等余既是生死凡  
夫智急淺短然佛教幽微不敢輒生異解  
遂即標心結願請求靈驗方可造心南无  
歸命盡虚空遍法界一切三寶釋迦牟尼  
佛阿彌陀佛觀音勢至彼土諸菩薩大海  
衆及一切莊嚴相等其今欲出此觀經要  
義措定古今若稱三世諸佛釋迦佛阿彌  
陀佛等大悲願意者願於夢中得見如上  
所願一切境界諸相於佛像前結願已日  
別誦阿彌陀經三遍念阿彌陀佛三萬遍

至心發願即於當夜見西方空中如上諸  
相境界悉皆顯現雜色寶山百重千重種  
種光明下照於地地如金色中有者佛菩  
薩或坐或立或語或嘿或動身手或住不  
動者既見此相合掌立觀量久乃覺覺已  
不勝欣喜於即錄義門自此已後每夜

夢中常有一僧而來指授玄義科文既了  
更不復見後時脫本竟已復更至心要期  
七日日別誦阿耨陀經十遍念阿耨陀佛  
三萬遍初夜後夜觀想彼佛國土莊嚴寺  
相誠心歸命一如上法當夜即見三具燈  
輪道邊獨轉忽有一人乘白駃駝來前見

勸師當努力決定往生莫作退轉此界穢  
惡多苦不勞貪樂答言大蒙賢者好心視  
誨某畢命為期不敢生於懶慢之心云云第  
二夜見阿旃陀佛身真金色在七寶樹下  
金蓮華上坐十僧圍遶亦各坐一寶樹下  
佛樹上乃有天衣桂遶正面向西合堂坐  
觀第三夜見兩幢杆大高顯幡懸五色道  
路縱橫人觀無礙既得此相已即便休止  
不至七日上來所有靈相者本心為物不  
為己身既蒙此相不敢隱蔽謹以申呈義  
後被聞於未代願使含靈聞之生信有識  
觀者西歸以此功德迴施衆生悉發菩提

心慈心相向佛眼相看菩提眷屬作真善  
知識同歸淨國共成佛道此義已請詮定  
竟一句一字不可加減欲寫者一如經法  
應知也

靜以善導觀經疏者是西方指南行者目  
足也然則西方行人必須亦敬矣就中每

夜夢中有僧指授玄義僧者恐是彌陀應  
現今者可謂此疏是彌陀傳說何况大唐  
相傳云善導是彌陀化身也今者可謂又  
此文是彌陀直說既云欲寫者一如經法  
此言誠乎仰討本地者四十八願之法王  
也十劫正覺之唱有彌陀念佛倚訪垂迹

者專修念佛之道諦也三昧正受之語無  
疑于往生本迹雖異化道是一也於是貧  
道昔披閱茲典粗識素意立舍餘行去歸  
念佛自其已來至于今日自行化他唯繹  
念佛然間希問津者示以西方通津適尋  
行者誨以念佛別行信之者多不信者少  
當知淨土之教卽時機而當行通也念佛  
之行感水月而得昇降也而今不啻蒙仰  
辭謝無地仍今懇集念佛要文剩述念佛  
要義唯願命旨不願不敏是即無慙無愧  
之甚也庶幾一經高覽之後埋干壁底莫  
遺憲前恐為不令破法之人墮於惡道也

選擇本願念佛集

淨土教門解脫詮

今開中極弘流傳


迴施尊儀及群類

順次同生九品蓮

卷之三

佛教大學所藏

149709



南無阿彌陀佛

